

Was der Huber von Schwanstadt über's Heiraten sagt.

U alter Spruch.



Der alte Huber, — sagt er.
Der hat g'sagt, — sagt er.
Wann Di d'Liab — sagt er.
Gar so plagt, — sagt er.
Na, so heirat' — sagt er.
Und das glei. — sagt er.
Frühe Heirat', — sagt er.
Späte Neu'!

B'sinn' Di, Seppl, — sagt er.
Nicht a Weil! — sagt er.
d'Zahrln flieg'n — sagt er.
Wie a Pfeil, — sagt er.
d'Weiber nehmen — sagt er.
In der Liab — sagt er.
Mit ein Biss'l — sagt er.
Nicht vorlieb!

Is nicht Einer — sagt er.
Bei der Schneid', — sagt er.
Hab'n d'Weiber — sagt er.
Keine Freud'; — sagt er.

Hast mit Ihna — sagt er.
Teufels Noth, — sagt er.
Warten all'weil — sagt er
Auf Dein Tod!

Und der Seppl — sagt er.
Is dakemma, — sagt er.
Was soll i denn — sagt er.
Für eine nehma? — sagt er.
Nimm d'Nächstbesti — sagt er.
Knall und Fall, — sagt er.
Ang'schmiert bist — sagt er.
Jeden Fall!

Nimmst a Junge — sagt er.
Hätt'st a Freud' — sagt er.
Mit'n Weiberl — sagt er.
d'längste Zeit; — sagt er.
Kinder kriegt's, — sagt er.
Das is a Schand, — sagt er.
's Duzend is — sagt er.
Glei beinand!

Nimmst a Alte, — sagt er.
Die is so kalt, — sagt er.
Daß Dir's Herz — sagt er.
Abi fällt. — sagt er.
Und die Liab, — sagt er.
Die is so heiß. — sagt er.
Wünsch' Dir Glück — sagt er.
Zur Nordpolreis'!

Nimmst a Klani, — sagt er.
Mußt es büß'n, — sagt er.
Nimmst in Kopf, — sagt er.
Hast nix bei'n Füß'n; — sagt er.
Laßt Du's abi, — sagt er.
Hast nix beim Kopf; — sagt er.
Kannst ihr ka Buß'l geben, — sagt er.
Du armer Tropf!

Nimmst a Schöne, — sagt er.
Bist in G'fahr, — sagt er.
Dein eig'ner Bruder — sagt er.
Nimmt Dir's gar; — sagt er.
Nimmst a Schiachi, — sagt er.
Schrei'n die Leut': — sagt er.
Das Bügelbrett! — sagt er.
Der is net g'scheidt!

Und so geht's Dir — sagt er.
Ja durchaus, — sagt er.
Thust wie'st willst, — sagt er.
Kommst net d'raus; — sagt er.
Wannst Dir g'rath, — sagt er.
So is Recht; — sagt er.
Aber fehlst Du's, — sagt er.
Is in Teufel z'schlecht!

